

名

山

藏

名山藏卷之四十

晉江何喬遠 撰

分藩記五

英八子

憲宗而外凡王

德王

許王

秀王

崇王

吉王

忻王

徽王

德莊王見潏初名見清母萬宸妃景帝時用皇姪封榮王英宗復辟改封德國德州既國濟南王六十一
年薨子祐榕立是爲懿王王十九年薨世子厚燉不
及王厚燉子載堦立是爲恭王追諡世子懷王恭王

三十四年薨子翊館立是爲定王王十二年薨子常
驛立爲今王

德莊王三子

泰安王祐楄庶長子也王薨子厚熜立熜薨子載壘
立無子除有宗室

懿王

濟寧王祐禔無子除

德懿王五子

東平王厚燉改封世子不及王以子恭王追諡懷
歷城王厚燄亡子除

厚熲未封卒

臨朐王厚熲薨子載堦立堦薨今王翊鉞立

高唐王厚燭亡子除

德懷王三子

恭王

臨清王載堦堦亮今王翊鉞立長子常瀝

寧海王載堦堦亮今王翊鉞立

德恭王四子

定王

堂邑王翊鉞

利津王翊鏐鏐薨長子常瀟不及封卒亡子除

翊鏐未封卒

德定王五子

今王

安陵王常濬

紀城王常澍

嘉祥王常注

清平王常淦

臣爲郎時德自王而下凡十有四宗

許悼王見淳景泰三年用皇姪封亡何殤王母王端

靜安和六宮敬仰天順初冊爲惠妃

秀懷王見樹母高淑妃英宗居南宮時生以後元年封成化中之國汝寧國監宦者請遷先師廟廣之王曰遷廟廣府其爲避尊乎使小子之居近學宮所樂也王讀書至戡黎之篇二長史爭論左長史曰戡黎者武王也史記載紂使膠鬲觀兵膠鬲問之曰西伯曷爲而來西伯蓋武王右長史曰文王也文王脫羑里之囚獻洛西地紂賜之弓矢鉞鉞得專征爲西伯非文王而何二長史爭至強王曰先皇帝簡二先生爲小子說書固謂能解頤舉隅二先生卽所見不嫌

往復何至爭顏色王十六年薨亡子除

崇簡王見澤國汝寧母仁壽皇后英宗居南宮時所
生以後元年封憲宗十年之國孝宗八年仁壽皇太
后春秋高念欲一見王上馳勅召之命內閣考襄王
故事太學士徐溥等言襄王入朝在英宗復位之後
雖曰篤親親之誼實以釋其嫌疑憲宗皇帝聖孝純
篤所以奉養皇太后無所不至而臨御二十餘年崇
府諸王未嘗輕召良以母子之情一時之私朝廷之
計天下之公也今國用繁重府庫未充天災流行民
力殫盡山東河南一帶霜雹交作春田告荒而數年

之閒朝廷睦念宗親恩禮加厚船隻車輛倍于往時
諸王輔導非人罔知約束需求夾帶所過貽害加以
益王之國又在此秋天下朝觀亦當今歲往來供億
政慮不堪若此端一開親王無不歆動爭乞來朝朝
廷縱能止其入朝未免曲加恩賚費用不貲體要無
補且太皇太后思念崇王奉命來朝雖少遂一時願
見之心然欲別則難免眷戀不捨之情旣去必倍增
憂思不忘之意他日上厯聖慮所未敢言伏望皇上
益積孝誠婉容陳說如太皇太后聖情切至特遣內
臣量齎賞賜遠加慰問禮部尚書倪岳及府部科道

官皆以爲言上猶重違太皇太后旣而科道官復言
上再聞太皇太后乃得命王四十九年薨子祐樞嗣
四年薨諡曰靖子厚燿嗣二十四年薨諡曰恭崇簡
靖恭三王竝以賢名而恭王孝友爲尤稱子載境嗣
十九年薨諡曰莊今王竝錫嗣世子常澤

崇簡王三子

靖王

瑞安王祐桓桓薨子厚燦不及封孫載堦嗣亡子除
有宗室

慶元王祐樞樞薨子厚焯不及封孫載圻嗣亡子除

有宗室

崇靖王二子

恭王

懷安王厚嫌王年八十餘薨子載垌嗣長子翊鎮長

孫常濶

崇恭王二子

莊王

歸德王載堦亡子除有宗室

崇莊王一子

今王

今王二子

泰和王常漣改封世子絕除

南陽王常津改封世子郡爵除

臣爲郎時崇自王而下凡二十有七宗

吉簡王見浚與德王同母英宗生王於南宮以後元
元年封王吉國長沙時王二歲耳王慎守法度謹財
用樂遊嶽麓書院訪古人之跡梓先聖圖及尚書誦
而觀之時披賈太傅新書陶然喜喟然慨浩然長歌
也伴讀吳華進逾耳書於王王受而納焉華鎮江人七十
一年薨世子祐扶不及王子厚焞立是爲定王追封

世子爲悼王定王十一年薨子載均立是爲端王王
二十二年薨子翊鎮立是爲莊王王八年薨亡子庶
兄翊鑾以龍陽王進封爲今王

吉簡王一子

悼王庶子也封常山仁且孝簡王無適改封爲世子
不及王以子定王追諡悼

吉悼王一子

定王

吉定王一子

端王庶子也其初封光化

吉端王四子

今王庶子也其初封龍陽以弟莊王亡後進王

長沙王翊鉞長子常潁

穀成王翊鉉長子常濫

莊王以嫡子王

今王三子

世子常淳餘子以今王進封故如其故秩爲鎮國將軍

臣爲郎時吉自王而下凡十宗

忻穆王見治與德王同母憲宗二年用皇弟封未之

曰薨王天性孝友無所玩戲

微莊王見沛國鈞今禹州也以避上名故改王韋德

妃出憲宗二年用皇弟封王之國使承奉司自置吏

河南左布政使徐恪以非祖制革其吏王奏恪慢侮

憲宗諭王書曰恪是也固無罪

恪字公肅常熟人成化丙戌進士授工科

給事中歷右副都御史巡撫河南權倖不便恪所爲謀去之調巡撫湖廣臨行民擁留號哭汴城爲之罷

市在胡廣親藩左右不得行私復譖毀之憲宗欲保全恪特命遷南工部侍郎恪自言臣以傳奉得官不

敢居職上勉留之方載考績進階正議大夫資治尹恪巡撫兩省凡遇災異或事關害民卽條陳時弊動

數千言莫不曲盡剛正謹王在位四十年薨子簡王

祐檣嗣在位十八年薨子恭王厚燾嗣在位二十五

年薨子載堦嗣載堦在位五年有罪削爵降庶人自
殺子七人俱廢初恭王虐而以好道自媚於肅帝帝
南巡道禹王迂郊甚恭說之召語移日奏對稱旨歸
大賚王益歲祿三百封爲太清輔玄宣化忠道真人
賜金印王以此怙恩無忌撫按官發其事者輒被重
譴故用得壽終及庶人王猶綰真人印如故庶人慧
巧出恭王上淫虐過之益伺上意所以悅帝萬方故
於微最親王置傳聞上起居王府中具百工精巧殊
異王又善以其慧調度之其器物甲天下上宮中有
須王先時獻王訪得一羽衣年八十餘手甲長

寸善導引徵入宮中厚遇之謂之梁甲進之肅帝
貴梁甲至與陶仲文竝甲爲人廉謹有所賜予皆辭
謝帝亦以此重之王嘗使人於朝見甲驟貴幸求甲
謝而甲故以辭謝賜予貧如故不能應使人使人歸
惡甲於王而甲不知也王故煉女癸服之上亦須此
梁甲言上一日上問甲取王所煉女癸方甲馳求王
王不與以謂陶仲文王與之甲懼而王方謂帝親徵
大肆於其國盛興土木花石建大小殿廊百餘所欲
植桂處亡論士民第舍卽發屋立城外塚妨行宮者
掘之至七十餘家築飛觀數十丈自北城女牆上連

後苑爲械激水入觀輪苑沼復造二樓亦數十丈皆
繡窓雕戶一衣以秦之革金一衣以蜀之文錦自棟
及礎不得其槨其巧如此自擇民間美子女徵歌恣
飲無旦夕乃又與府中人懋德微服出行私選女南
京得四女歸至王莊驛驛吏察王非凡人微見王衣
疑之拘之驛王墮垣出庫官王章直諫王王斃之前
後所殺亡辜二千餘王庭鍾鼓自鳴時時見羣羊出
沒王猶虐不悛他日上居宮中梁甲侍上從容問曰
微王無恙梁甲對曰臣藩王自南京歸乃微有霜露
之疾陛下念臣主臣幸甚上默然絲此疑三而會民

耿安女小迎冬者王奪入宮中以過笄死之燬其
安上變言王竊出窺南京形勝五日一探上起居幸
瑕隙爲不軌都御史恩御史昭卽亦奏王過失上怒
降王庶人幽高牆籍王宮王懼令妃與其所素幸姬
皆麗粧自經而旋亦自經死國除嘉靖三十五年也
始王夢一老人童顏而長瓜曰吾得請於朝將佐王
覺而得梁甲如夢中悅之以獻而竟坐甲敗王敗天
子謂甲廉謹放歸山初恭王王雖虐然好士無與比
時具褻府中食士而較之歲大比親勸駕踰等於有
司故猶得以保其國而王竟坐荒縱無忌亡魯論謂

衛靈以用賢不喪虞書戒甘酒嗜音峻字雕牆此之謂也

徽莊王六子

簡王以興化王進封

太和王祐槎槎薨子厚炬立炬薨今王載堦立

遂昌王祐櫨櫨薨子厚燦不及封孫載堦嗣亡子除
景寧王祐碗碗薨子厚煥嗣煥薨子載塹嗣隆慶三
年與都御史党以平爭訟有司奏治之父子閉門投
井死除

建德王祐槿槿薨子厚焮嗣焮薨子載恭嗣長子翊

陽城王祐櫟櫟薨子厚熲嗣熲薨子載常坐淫妓服
舍克毆人廢庶人

徽簡王五子

恭王庶子也自安邑王進封

嘉定王厚燁燁薨子載端嗣端薨子翊釜嗣亡子除
新昌王厚燁燁薨今王載璋嗣子翊銘以濫妾子降
封鎮國將軍

慶靈王厚燦燦薨子載璧嗣璧薨子翊鎔

厚焞封隆平殤除

徵恭王十一子

庶子載埈封伍城或嶢以內行恭王賜之死不得白再拜而縊亡子除

庶人載埈以輔城王進王罪除

太康王載圜

陽夏王載玳諸子以濫妾子降封

德平王載堦

榮陽王載堦堦薨今王翊銘嗣

懷慶王載湜子翊銖以擅婚子降封鎮國將軍

咸平王載塔長子翊鏐先王薨

延津王載塤子翊錚

孟津王載堙

上蔡王載坡長子翊銀

徽庶人七子

翊錡封安陽

翊鈐封萬善及餘子皆以父累廢爲庶人

臣爲郎時徽自郡王而下凡一百有三宗

憲十二子

太子孝睿而外凡九王

岐王

益王

衡王

雍王

壽王

汝王

涇王

榮王

申王

岐王祐楡母邵皇后成化二十三年封弘治八年之
國國德安十四年薨還葬京師諡曰惠亡子國除
益端王祐檣張德妃生國建昌本荆邸也荆王時常
有大蛇自梁蜿蜒地朝退若有人據王座荆王疑焉故
改蘄王成化二十三年封弘治八年之國性儉約巾
服盥至再日一素食無兼膳好書史工楷篆享國五
十二年愛民重士無所侵擾奸人班明誣昌國王通
王有逆謀竟得白薨莊王厚燁嗣莊王孝友忠敬博
敏好學雖宦寺女御亦誨之詩書在位十八年薨亡
子弟恭王厚炫以崇仁王進封自奉儉辭祿二千石

聞宗人產子至四五者輒歎曰不費國祿哉夫夫也
不事詩書而多近婦人在位二十五年薨子載增不
及王今王翊釗嗣初恭王以嗇久於國而今王好交
當世士大夫接引如恐不及燕饋不足給常假於外
今天下稱賢藩二蜀及益而益恭王爲尤
益端王四子

莊王

恭王自崇仁王進封

金谿王厚煌煌薨子載塿立塿薨子翊鏐立鏐薨子
常拾立爲今王

王厚燠亡子徐

益恭王五子

世子載增進諡昭王

安東王載環吃好受經長子翊鏃

舒城王載坑坑薨子翊銀立銀薨子常泚立爲今王

阜平王載堞堞薨子翊鋌立爲今王長子常洙

銅陵王載壤壤薨子翊鉦立鉦薨子常派立爲今王

益昭王四子

今王

輔國將軍翊鉞冠帶庶人翊鑒輔國將軍翊鍾三宗

者其母庶不王也翊鍾以學名於藩

今王十一子

世子常遷有文名

黎丘王常溱

浦陽王常漿善畫

淳河王常汭汭薨有遺腹子

華山王常汎風雅有父風

鈞谿王常沐好學

羅川王常湑湑薨有遺腹子

安仁王常淦

德化王常淦

十子未名

十一子未名

臣爲郎時益自王而下凡八十有八宗

衡恭王祐輝國青州母張德妃成化二十三年封弘治十三年之國在位五十二年薨諡曰恭子厚燾以江華王嗣在位三十二年薨諡曰莊嘉靖中辭祿五千以贍宗室之缺有賢聲子載堉以東昌王嗣在位四年薨諡曰康亡子弟載封以武定王進封在位五年薨諡曰安子翊鏞嗣在位四年薨諡曰定今王常

漢嗣

衡恭王七子

莊王

玉田王厚烺烺薨子載塘嗣長子翊鋋

新樂王厚燦燦薨子載璽嗣王嗜古好脩善文章
爲皇明聖政頌十五篇贊美高皇帝

高唐王厚煥好文王薨長子載墀不及封今王翊
鏞嗣

高東王厚炳炳薨子載垕嗣垕薨今王翊鐸

邵陵王厚燿長子載增長孫翊鋌

漢陽王厚禰禰薨長子載塵不及封亡子除

衡莊王七子

康王以東昌王進封

安王以武定王進封郡爵除

平度王載塋塋薨今王翊鋤

寧陽王載塋

昌樂王載塋亡子除

壽張王載塋亡子除

商河王載塋長子翊鋤

衡安王三子

今王

鎮國將軍翊釗翊銳以安王進封故不得郡王

今王六子

世子常漣餘子皆以進封故封輔國將軍

臣爲郎時衡自王而下凡五十有八宗

雍正靖王祐樸母邵皇后成化二十三年用皇子封國
四川保寧弘治十二年之國衡州府中屢見怪方請
徙正德二年薨年二十亡子除還葬於西山

壽定王祐楮母姚安妃嘉禾人憲廟選妃江南嘉禾
以姚氏女女髮素種種不盈尺過吳江縣之平望里

一夕髮委地長可八尺入宮拜安妃里人因名其里曰八尺爲之謠曰平望八尺爺娘不識言妃之容髮雖父母亦不知其故也而世俗以爲其地人民悍惡解爲不識爺娘謬矣王弘治四年用皇弟封國保寧岐王之世絕正德元年卽徙王德安居其邸王府中較尉橫撾市民王不知也知府李重裁抑較尉較尉言王補重安陸民劉鵬聞之急詣重畫計重曰爾何人吾不識也鵬曰使君廉且仁民在宇下何論識不識王竟上書重朝廷遣刑部大理重鵬佐重對凡從重七十日重得調去然王王久以

閏凡五十五年薨亡子除

重應天人正德中薨
歷按察副使德安人稱郡

守者必
首重

汝安王祐棹母張德妃弘治四年用皇弟封國衛輝
世宗十八年車駕南巡王途迓甚恭上嘉之加祿歲
五百石賜金幣王五十一年薨亡子除

涇簡王祐檉母楊恭妃弘治四年用皇弟封國沂州
王四十七年薨子厚烜嗣未幾卒亡子除

榮莊王祐樞國常德母潘端妃弘治四年封正德初
尚留京邸劉瑾與吏部尚書張綏謀逐王王就國王
狀貌類高帝常跽府太守于門王畜牛羊以王府表

其角淫民禾稼王四十九年薨世子厚勸先王卒諡懷穆孫載堦立爲今王進世子爲懷王

榮莊王六子

懷穆世子

福寧王厚熹亡子除

惠安王厚熹薨子載塾立塾薨今王翊鏞立

永春王厚熹薨子載柏蚤卒亡子除

富城王厚熹薨今王載塿立長子翊鏞

貴溪王厚熹子載塿蚤卒亡子除

今王一子

世子翊鈐

榮世子一子

世孫常滾

臣爲郎時榮自王而下凡三十有四宗

中懿王祐楷與涇王同母弘治四年用皇弟封叙州
未之國薨凡封十二年亡子除

孝二子 武宗而外一三

蔚王

蔚悼王厚煒母張皇后三歲薨追諡

睿二子 世宗而外一王

岳王

岳懷王獻皇后生而殤嘉靖四年追封三十九年賜名厚燹

世八子

兩太子穆宗而外五王

景王

穎王

戚王

薊王

均王

景恭王載圳肅皇帝次子也盧靖妃出妃素不爲上所喜上常笞責之十八年冊莊敬太子而封穆宗裕王王景王其後莊敬太子薨羣臣請立裕王爲太子上以嘗兩立太子皆不利裕王與景王竝居邸又晚節好方士方士又以二龍不相見之說進於是裕景

二王不得見上有年羣臣咄咄日夜望立裕王爲太子也裕王旣與景王竝居邸形跡相擬景王年雖少不與事其左右之人妄有窺覲嘗直至裕王寢次然上春秋高終惡羣臣言二王者卽如楊繼盛言及面問二王誅死矣上之三十八年嘗下建帝立儲旨其明年則忘之故春坊中允郭希顏失職家居怨大學士嚴嵩不用己發憤上疏曰臣退伏畎畝生未報恩死何瞑目今天下談士皆稱南倭北虜爲中國憂臣切以陛下欲安天下有緩有急蓋孔子曰不在顓臾臣往歲恭讀聖諭欲建帝立儲者道路相傳以立儲

賀臣度立儲未也莫若先安儲臣願陳忠之日久矣
以爲說從則兩存俱利臣之大榮也說不從則出位
死罪臣之大懼也乃間歲星變地震大殿繼災皆天
垂仁愛之象謬意在廷或有出死力爲皇上計者乃
卒無一二臣念避死欲終不言每思主恩感泣忽然
忘生臣不敢言立儲請言安儲何謂安儲誠以君相
相信則儲安兄弟相保則儲安父子相體則儲安相
信有道釋疑是也相保有道分封是也相體有道總
攬是也臣觀自古蒙無故之議者仁君不及全其臣
履危疑之地者慈父不能庇其子今皇上至愛莫如

二王至重莫如元輔其初何嫌何疑也自言者倡爲面問二王嚴嵩之說臣恐輔臣疑而不自安則何暇善後然尚可諉也絲差遠也二王疑而不自安則誰與承祧此可大慮也絲最近也皇上何不降德音諭元輔以益加忠謹諭二王以毋忘恭敬使王母疑於上而亦無疑於嵩王心無所惶惑而師保是依大臣無所忌避而巨贊益力則釋疑而君相相信則儲可得而安也謂之至和臣聞神龍離淵人易狎之美玉出匱人或伺之二王親皇帝子也貴則國本之寄同處京府則崇高所共欲防不預設則讒隙所絲萌是

故幼而暱就以篤恩也長而出封以強本也官府不宜久虛山川若已預待臣願大臣畫計聖明早斷及時勅景王殿下之國周其翼衛寵以殊數則分封而兄弟相保儲可得而安也謂之至福臣惟父子之愛天性也恒情體子未有不遺之安逸而身任其艱大者今時何時四郊多壘一日萬幾誠非皇上艱大自身太平未易反掌分封之典既定留京之意已明天序所屬堯舜不能以揖讓聖愛無私伊周不得而假手臣願使裕王殿下親近儒賢涵養冲質討論往古切劘仁孝卽呈上從容而議建立無所不可則總攬

而父子相體儲可得而安也謂之至治內外守府彼
此無猜宮中問省之牋不時而進麾下富貴之想奚
自而生大之傳世享國次之全終股肱此安儲上計
今日先急也臣每嘆古者忠臣不退耕而忘君烈士
不避戮以直諫先國者不計其私愛君者必及其後
惟聖明仰慰祖宗九天之望深思聖母一脈之托察
臣愚始終之無他赦草莽言計自臣始則士豈有不
嚮風刎首爭効闕下者哉疏入相嵩等擬下禮部看
詳上不悅曰下禮部何爲者誠用其言卽告行郊廟
矣嵩等伏言希顏疏意可疑當令禮部會三法司同

議上諭嵩曰汝見彼疏豈不悶怒疑字一端却未見
彼懷逆之意夫立子爲儲帝誰可建者遂手諭曰奸
邪必無赦理今不忠之臣不義之民皆惡不速行新
政以君相久位矣部司雖皆大臣又謂諛也可問之
耳目官乃摘疏中建帝二字命禮科會同科道官集
議以聞給事中藍璧等奏希顏怨望傾險大逆不道
法司擬坐妖言惑衆律詔所在巡按官卽時斬首傳
示天下初希顏倡立四親廟議爲公論所排旣能猶
爭上輒優容之至是自擬危言動主倖大功詔下方
爲子娶婦緋衣延客御史卽家縛之妻子不及訣論

者謂自古以死博功名未有如希顏者也希顏既誅
其冬令景王之國旨夜半從中出都下市井踴躍相
賀歸美聖斷則上亦未始不念希顏之言也其明年
王之國安陸居四年薨上下旨相階曰此子素謀奪
嫡今死矣初王之國多請莊出戶部以天子愛子悉
覆給荊州有沙市者商賈之湊故不在王請中王府
較入言王收之使者責市租相望荊州知府徐學謨
執不與議歲輸金王府中王怒責益急市民皆逃竄
王馳奏學謨而相階持之竟下之撫按官學謨執如
初坐調歸

學謨字叔明嘉定人嘉靖庚戌進士起家
兵部主事禮部尚書終官其爭沙市以益

荆民荆人改沙市曰徐市爲人彊毅有執絕嗜寡交
與之談理徵事響應捷出文學法士一見語合薦達
恐後不使之知其所賤簡恒峻絕之平生耻言封殖
而不疑人欺已藏獲有過常賞不問其末也刀黠民
有所憑怙閭而闕其門既卒銓有劉家壩者漢陽之
司猶以浮言詆訾而奪之廢

聚王又欲薪之漢陽推官吳宗周白王持之王長史
高岱素直節以宗周啓入白王亦罷其他楚中田土
湖陂可數萬頃王皆侵入委賦於民故事王薨妃當
奏計至是計乃出岱上問階無誤乎階對景府乏老
成人奏所以誤誤恐復大宜遣一信臣往護王柩給
足王宮眷上是之令階草勅階念府中所侵土田湖
陂卽稍緩諸藩且請矣并勅籍所司於是田土湖陂

復爲楚人業王無子眷屬仍居京師其年諡王曰恭而郭希顏穆宗初賜卹錄

頴傷王載塋殤

戚懷王載塋殤

薊哀王載塋殤

均思王載塋

穆四子 太子今上而外三王

靖王 潞王

靖悼王翊 **殤**

潞王翊鏐國衛輝與今上同母隆慶五年封萬曆十

名山藏

卷之四十

五 分藩記

三

七年之國

靖江王懿文太子子附

靖江王守謙少名鐵柱又名煒高皇帝昆孫也是爲南昌王文正之子文正早孤貌類高帝高帝愛之從渡江克太平破陳也先取建康擢樞密院其爲人涉獵傳記而深狡強厲一日高帝問文正汝欲何官文正跪對爵賞急私親無以服衆叔父成大業兒憂不富貴邪高帝益愛之辛丑年以爲大都督節制中外軍事其秋上征漢明年徐達定南昌上謂新得南昌重藩也非骨肉重臣莫與治使爲統元帥與鄧愈趙

德勝鎮之選儒士郭子章劉仲服爲參謀癸卯年漢
急圍南昌援兵久不至文正與德勝設方應敵嬰城
待高帝兵高帝竟滅漢鄱陽湖然其守南昌數慢高
帝令斷無罪訟者舌市張思誠浙西鹽運犯民間處
女不用者投井中按察李飲永以奏高帝怒詰責之
文正懼謀降於士誠高帝大驚親往南昌視之馬后
使人謂曰帝怒都督甚至可束手自詣帝至文正倉
卒出迎帝泣曰兒何唉誅子章仲服等斷其部下頭
目五十餘人脚肋遂載與俱歸羣臣請誅之馬后力
諫帝曰后言是也吾有兄三人廬此子安置之桐城

召王語之曰而父違我訓教我當治而無恐長封而文正卒帝以洪武三年封王靖江祿視郡王之制官屬視親王之等九年之國上表謝帝覽之爲之淚下沾襟勅其文武從臣曰從孫幼而遠鎮西南善導之爲之著昭鑒錄王之國未久坐淫虐廢爲庶人使田鳳陽苦之王曰不願爲王得努力田丘老死桑林足矣高帝歎曰無福無福閱七年復居之雲南貪暴如故召還安置鳳陽復不悛帝召之京師撻而錮之二十五年卒命其子贊儀爲世子留京師贊儀恭慎好學能書三十年春使省視晉燕周楚齊蜀湘代肅遼

慶谷秦諸王叔父浮湘入蜀出穀函抵汴上太原涉
於大同宣府北平東北入大寧遼東折于山東擇文
武忠孝之士從亦以觀天下之形永樂初之國成祖
使蕭用道爲其府長史用道佐王以善而王亦敬禮
之他日問用道曰古今人何多好名也用道曰名之
與實猶形影也豈在好哉王當好實東平河間非有
其實能令名乎用道秦和子蕭桓之父王薨諡悼僖子佐敬嗣
正統初佐敬與其奉國將軍佐敏相訐奏以黃金六
條饋楊榮被詰責謫其使人戍邊薨諡崇簡長子相
承先王卒子規裕嗣進封長子爲悼順王規裕王薨

諡昭和子約麒麟王以孝謹聞病癘屢著道士衣冠
夜出市薨諡端懿子經扶嗣王平居學問嘗爲敬義
之箴薨諡安肅子邦寧嗣薨諡恭惠子任昌嗣薨諡
康僖子履燾嗣薨諡溫裕亡子康僖王弟任晟以輔
國將軍進封爲今王王立廟王始祖南昌王永樂中
給銀印宣德中改銀印黃金塗

臣爲郎時靖江自王而下凡三千三百二十二宗

懿文太子四子

虞王

吳王

衡王

徐王

虞懷王雄英懿文太子長子母開平王女以洪武十

五年薨年十四追封虞諡懷

吳王允嬭建文帝同母建文初用皇弟封杭州未之國成祖卽位降封廣澤王居漳其年召還以不能匡建文帝削爵爲庶人與其嬭屬錕鳳陽竟卒英宗復位出其嬭屬廕庶母姊妹五六人有年八十餘者衡王允炆建文初用皇弟封未之國成祖卽位降封懷恩王居建昌其年削爵爲庶人

徐王允熲母呂木妃與吳王同封八歲耳成祖入南都降封敷惠王隨母於懿文太子陵園居二年詔曰朕聞帝王之道立愛惟親爲子不祇不及於父朕長

兄懿文皇太子降年弗永厥子嗣立崇信姦回顛覆
舊章戕害骨肉舉兵相嚮朕惟祖宗積德之勤父皇
母后創業之艱不得已遵奉祖訓將除君側以幾周
公之義少主自絕于天闔宮赴火朕既卽位長兄諸
子允燾允燧允燾金錫王封不意弗省自生疑懟朕
念至親免爲庶人用保全之長兄未有承祀朕痛切
心其第四子允燾生十四年矣改封甌寧王世奉太
子祀展予同氣庶盡親親又二年邸中火王暴薨年
十六諡端簡爲人聰惠而端謹

賢宗附

當漬

觀漚

成湏

成鏃

睦梓

多煌

拱枘拱搖

輔國將軍當漬魯鉅野王諸孫也慷慨有志節嘉靖中上書請停郡主縣君卹典以蘇民困已奏辭已身及其子一歲祿佐縣官疏通運河賜勅獎諭已請以父子祿佐賑封內饑民勸上法祖宗重國本裁不急息土木詞甚剴切上嘉其意勅褒之祿不許辭

鎮國中尉觀燭字中立魯鉅野王諸孫父奉國將軍漣根博學多文坐客常滿嘉靖中以賢孝旌觀燭被服儒素雅好著述執母喪哀毀甚至嘗獻太平圖繪

卷世宗嘉獎之南州有處士萬甲者窮而依觀樞館
穀周恤三十年如一日第觀軼亦以詩畫著名請辭
祿廬墓不允同時有鉅野中尉頤塚安丘將軍頤備
皆倜儻有逸才聲詩清拔而樂陵王子頤垓亦善詩
輔國將軍成鋁弟成鏐代隰川王諸孫也父仕塏坐
罪幽鳳陽嘉靖初病死成鋁微服走視自劾越禁乞
負父骸歸葬卽不得請願畱墓側詔許鋁祭父葬所
卽歸雲中卒叛成鏐言叛卒之變幸獲銷平貪酷官
吏實其繫端臣妄有慮天下之變隱于民心異日不
獨一雲中而已究消弭之術莫若先清仕途嚴誅人

酷語甚切直上詔諸司府綜核考察歲終藩臬入賀
條奏所屬賢否送部撫按躬咨訪勿假手雷同皆自
成鑣發之世謂鎮孝鑣忠爲兩懿焉

鎮國將軍成鑑代靈丘王子也事父母以孝聞親沒
廬墓側負土壘塚號泣不絕世宗朝賜勅獎諭資金
帛詔禮官曰宗室中有如成鑑者乎其令撫按官奏
聞

鎮國中尉睦樛字灌甫周鎮平王諸孫也父奉國將
軍安河以孝行聞睦樛姪十四月生少端穎朗詣李
夢陽一見大奇之年十五封則與晉江王慎中鄴陳

束結社講藝劇心古作顧謂不足進於道乃覃精經書當是時河洛閒宿儒衛君聘名易和太芳名書周伯昌名詩周涿之名春秋許守謙名禮睦樺先後從之遊尤邃易春秋易初主王弼後復取鄭玄謂鄭學莫備于唐李鼎祚刻其集解以傳而自爲春秋傳明筆削之旨是時海內藏書家稱江都葛氏章丘李氏睦樺盡購得之起萬卷樓諷誦其中一切諸王孫世祿之習泊如也士大夫宦中州者扣以經濟鑿鑿中窾縉紳過大梁莫不傾蓋造門或竿牘相通千里定執家故饒貲僮奴數百人皆逐羸車屑麥執藝自給

客檐簷至者悉館穀之初高陵呂柟仲木與睦樗講
易東陂之上驚曰子輔嗣流也新鄭高拱爲相問易
大義云何睦樗曰大易之旨以退爲宗萬曆初詔建
宗學府中推舉爲宗正絃誦之聲徹於朱門年七十
餘卒門下士五百餘人頌德兩臺請轉聞于朝賜祭
葬若諡詔加祭葬焉與睦樗同時有將軍安泐者一
歲喪母事父至孝父病革夢神教之刲臂爲湯父食
病已後年垂七十追母不逮廬墓三年詔旌表其門
晚益精名理延納詞人人稱泐爲小山

弋陽奉國將軍多煌父拱檜豪爽喜客善詩多煌恂

謹孝友與弟多烜多燦多焰皆文雅著名遠邇知交
子弟羣從莫不藝文子謀壯謀趨謀趨謀重竝嫻詞
藻善承父志而多烜更潛遊吳楚間所至傾坐其家
以精鐵自閫賓客延選鐵爲之豁臨絕命其子以白
幘鶴髦斂耐門人子弟私諡曰清敏多烜子謀輝與
族人多廢謀墀謀墀放志文酒閒娛樂終世
奉國將軍拱納拱樞竝瑞昌王後也父曰宸渠坐宗
濠逮繫中都拱柄請以身代兄弟二人好學儒雅而
拱樞尤辯博有智數數上書言事世宗朝竝承褒獎
拱柄子多斂拱樞子多燦竝博雅有文而多斂以孝

稱瑞昌王府又有多燿者與多燿竝有時名

輔國將軍宇決新野王諸孫也五歲喪明從師氏畫
掌識文字耳授書日記千言久之博通羣籍明習其
後又精太乙六壬遁數方技諸公爭造其門嘉靖中
陳便宜數十事著名獻錄辯疑碑各一卷唐成王以
摩天王目之子宙松力舉千斤好劒嗜書慕古節俠
廉義之風松子碩燿字孔炎封鎮國中尉博雅慷慨
益弘家學與其子器封竝以文詞名號南陽父子萬
曆中吏科給事中張應登疏諸藩文行可宗正者周
則安泯勤莫勤此趙則載埜載堆載坑襄則載埜載

幸楚則英燠南昌則多燠多炆多燿多斨於唐則孔
炎父子

天子之子封親王國一字諡一字俗曰一字王親王
支子封郡王國二字諡二字俗曰二字王邵國支子
曰鎮國將軍從一品鎮國將軍子曰輔國將軍從二
品輔國將軍子曰奉國將軍從三品奉國將軍子曰
鎮國中尉從四品鎮國中尉子曰輔國中尉從五品
輔國中尉子曰奉國中尉從六品鎮國將軍子雖嫡
不得世爲鎮國矣中尉而下雖支庶皆得以中尉稱
其名也高皇帝預定二十字子生以聞付宗人府世

取一字爲上名下名翰林院擬字請下宗人府編諸
玉牒字不盡出於字書取五行爲序意制之而意音
之親郡王之妻皆曰妃親王嫡子封世子妻曰世子
妃世子嫡子封世孫妻曰世孫夫人世孫嫡孫封世
曾孫妻曰世曾孫夫人郡王嫡子封長子妻曰長子
夫人長子嫡子封長孫妻曰長孫夫人鎮國將軍妻
曰夫人輔國將軍妻曰淑人奉國將軍妻曰恭人鎮
國中尉妻曰宜人輔國中尉妻曰安人奉國中尉妻
亦曰安人亡別嫡庶子凡宗祿親王歲萬石或不能
一萬本色折鈔兼支不等郡王千石本色三之折色

七之鎮國將軍千石輔國將軍八百石奉國將軍六百石鎮國中尉四百石輔國中尉三百石奉國中尉二百石本色四之折色六之親王之女曰郡主郡主之下曰縣主縣主之下曰郡君郡君之下曰縣君縣君之下曰鄉君尚之者皆曰儀賓尚郡主從二品尚縣主從三品尚郡君從四品尚縣君從五品尚鄉君從六品郡主歲祿四百石縣主三百石郡君二百石縣君百五十石鄉君百石本色二之折色八之儀賓歲祿視其主若君世子世孫以其將繼爵中尉既盡其女曰宗女其壻曰宗壻滋多矣皆不祿親郡王初

封曰封子孫正繼曰襲弟姪以他爵續封曰進以子
孫襲王得封諡曰追追封者之子孫例不得受封如
正襲諡用陰文親郡王無子絕封曰絕除以罪革曰
罪除犯逆曰逆除以例革曰例除親郡王世子死曰
薨長子以下曰卒庶人曰故以罪賜死曰誅高皇帝
之初封諸王也置相傅以下官屬亞京師護衛精兵
萬六千人牧馬數千匹冕服九旒九章車旂服飾下
天子一等天子貴重臣至太師丞相公侯拜伏謁其
尊也如此郎曰凡郡王之諡皆以備榮哀不關其德
善予是以削不載

名山藏卷之四十一

臣何喬遠恭輯

勦封記一

余次勦封盡然傷焉其起草萊與高帝定天下者公
十二人侯五十七人伯六人是皆鐵券寶綸天盟廟
授食租衣稅不與民社事蓋所以預宥而前全之者
也乃藍胡之獄誅鋤萬數一時功臣十去六七竊怪
諸臣皆戮力捐軀入水出火爲高皇帝滌蕩腥膻洗
濯日月天下既定固當使之能者有勸善人不懼及
考諸臣所以行事皆失其理夫風雲之際雷霆易轟

雪霜之餘李梅不實大禹尚宜謙抑周公以之退遜
是皆田閒武夫附翼攀鱗安知守滿居成之道况夫
高皇帝睿聖神武刑賞號令無所疑錯罰焉加必而
臨之者哉斯知魏文所以疑心漢高因之偽遊是以
徐達醉驚而趨寢湯和稽首以還鄉鞠躬隱智存乎
其人逮夫永樂之間內難削平以七戰論功旣而北
驅殘虜南縛交會西靖羗番東捕倭韓降胡廝養往
往登封而景隆以負國墮戶江陰以被劾入券長興
以微上奪田越嶺安陸之流載復載仆終夷氓隸前
封所存僅魏西平武定三家而已開國靖難至分新

舊之官而高帝之舊勳詘矣夫以常李鄧湯之功而
裔末流於荒徼眷屬幽於都閩圭組委於泥塗工師
作室雖賀主人上賓飫庖猶資行炙繼體英君守文
令主能不惻然動心者耶是以弘治五年孝宗皇帝
求得常遇春玄孫復李文忠玄孫璿鄧愈五世孫炳
湯和六世孫紹宗令爲世襲指揮使銓註衛分近其
祖塋以便奉祀嘉靖十年世宗皇帝以刑部主事李
瑜言進享劉基太廟伯其子孫仍命求四臣後許之
傳襲以不廢高皇帝報功之意武王興滅天下皆歸
成季有後善人競勸聖君之舉也其他封爵時功時

不功或有奸黨因以貪天僥夫駕而從馬至於椒掖之親貂璫之族甚以羽士黃冠得班上公而先亞相斯帶礪之濫觴曠蕩之橫流俛得俛失固其理矣故觀其所以絕所以續或予而竟絕或奪而竟續雖本人事亦有大道焉

洪武三年大封功臣公六人韓國公李善長魏國公徐達鄭國公常茂曹國公李文忠宋國公馮勝衛國公鄧愈侯二十八人中山侯湯和滎陽侯鄭遇春平涼侯費聚江陰侯吳良靖海侯吳禎南雄侯趙庸德慶侯廖永忠南安侯俞通源廣德侯華高營陽侯楊

璟斯春侯康鐸延安侯唐勝宗吉安侯陸仲亨江夏侯周德興淮安侯華雲龍濟寧侯顧時長興侯耿炳文臨江侯陳德鞏昌侯郭子興六安侯王志永嘉侯朱亮祖潁川侯傅友德豫章侯胡美東平侯韓政宜春侯黃彬宣寧侯曹良臣汝南侯梅思祖河南侯陸聚二十三年肅清逆黨榜列勳臣五十七人其因革次第異於前矣曰功高望重連歲命總兵者八人魏國公徐達曹國公李文忠衛國公鄧愈信國公湯和宋國公馮勝西平侯沐英江陰侯吳良長興侯耿炳文曰專簿書而聽指示者一人韓國公李善長曰以

義氣而封者三人榮陽侯鄭遇春六安侯王志平涼侯費聚曰所在隨軍征討累有戰將之功未有總兵之名而論舊封者十九人江夏侯周德興鞏昌侯郭子興南雄侯趙庸安慶侯仇成崇山侯李新南安侯俞通源永平侯謝成鳳翔侯張龍靖海侯吳禎東勝侯汪興祖晉定侯陳桓航海侯張赫舳艫侯朱壽德慶侯廖永忠臨江侯陳德濟寧侯顧時延安侯唐勝宗吉安侯陸仲亨淮安侯華雲龍曰建功者十五人穎國公傅友德涼國公藍玉靖安侯葉昇景川侯曹震會寧侯張溫定遠侯王弼武定侯郭英懷遠侯曹

興雄武侯周武安陸侯吳復宣德侯金朝興永城侯
薛顯東川侯胡海鶴慶侯張翼永嘉侯朱亮祖曰因
父而封者四人開國公常昇斬春侯康鐸金寧侯孫
恪西涼侯濮瓊曰持兵負固於兩閒可觀望而不觀
望來歸者七人東平侯韓政宣寧侯曹良臣營陽侯
楊璟河南侯陸聚汝南侯梅思祖臨川侯胡美宜春
侯黃彬得與功臣廟祀者惟二十有一人中山王徐
達開平王常遇春岐陽王李文忠寧河王鄧愈東甌
王湯和黔寧王沐英郢國公馮國用越國公胡大海
梁國公趙德勝濟國公丁德興巢國公華高蔡國公

張德勝號國公俞通海江國公吳良海國公吳禎斬
國公康茂才安國公曹良臣黔國公吳復泗國公耿
再成東海郡公茅成燕山侯孫興祖今次第諸臣功
勳封爵叙其世除列籍於後

魏國公徐達鳳陽人以鎮撫從起滁帥領諸將竟定
天下以大將軍生致張士誠封信國公洪武元年加
銀青榮祿大夫上柱國錄軍國重事中書右丞相信
國公兼太子太傅三年授開國輔運推誠宣力武臣
特進光祿大夫左柱國太傅中書右丞相進封魏參
軍國事祿五千石賜誥命鐵券與誓謀逆不宥犯死

身免二子免一賜綺帛百匹地若干頃佃戶若干戶
守墳八百五十戶儀仗戶二十家第京師封十六年
薨年五十四追封中山王予諡二十一年輝祖嗣以
抗靖難師幽卒永樂五年子欽嗣洪熙元年子顯宗
嗣卒亡後正統十三年弟承宗嗣天順八年甫嗣正
德十三年甫孫鵬舉嗣隆慶六年子邦瑞嗣
年一嗣萬曆二十三年子弘基嗣達三子增壽別
封定國公有傳

韓國公李善長定遠人居中饒士士得以飽戰洪武
元年加銀青榮祿大夫上柱國錄軍國重事中書左

丞相宣國公兼太子少師三年授開國輔運推誠守
正文臣特進光祿大夫左柱國太師中書左丞相進
封韓參軍國事祿四千石賜誥命鐵券與誓謀逆不
宥犯死身免二子免一賜綺帛百匹地若干頃佃戶
若干戶守墳人百五十戶儀仗戶二十家第京師封
二十一年以胡惟庸黨論死爵除有傳

鄂國公常遇春定遠人以猛戰克服吳漢平定中原
北破開平擒元三王子還師道卒年四十先與大將
軍同致張士誠吳元年封公洪武元年加銀青榮祿
大夫上柱國兼太子太保二年加贈朔運推誠宣德

鍾遠功淮開府儀同三司上柱國太保中書左丞相
追封開平王諡三年長子茂以父功封鄭國公坐
訟婦翁馮勝安置薨二十一年更封次子昇爲開
國公嗣子繼祖安置臨安衛爵傳弘治六年世其玄
孫復南錦衣衛指揮使嘉靖十年續封八世孫玄振
懷遠侯祿千石二十八年文濟嗣

胤緒

嗣有傳

曹國公李文忠臨淮人高帝外生從起兵東定浙終
北致元順帝孫買的里八剌於應昌數以皇甥居帷
幄洪武三年授開國輔運推誠宣力武臣特進榮祿

大夫右柱國大都督府左都督封公祿三千石賜誥
命鐵券與誓謀逆不宥犯死身免二子免一賜綺帛
若干匹地若干頃佃戶若干戶守墳人若干戶儀仗
戶若干家第京師封十五年薨年四十六追封岐陽
王予諡十七年景隆嗣永樂元年以周王劾削爵廢
門正統十三年賞開舊停弘治五年世其玄孫璿南
錦衣衛指揮使嘉靖十年續封八世孫性臨淮侯亡
子十二年璿三子沂嗣十五年庭竹嗣萬曆三年言
恭嗣有傳

宋國公馮勝定遠人以前都指揮從克漢及吳竟定天

下洪武三年授開國輔運指揮宣力武臣特進榮祿
大夫右柱國封公祿三千石賜誥命鐵券與誓謀逆
不宥犯死身免二子免一賜綺帛若干匹地若干頃
佃戶若干戶守墳人若干戶儀仗戶若干家第京師
封二十二年除

衛國公鄧愈虹人自盱眙率所部從於滁陽累歷戰
功竟定天下洪武三年授開國輔運推誠宣力武臣
特進榮祿大夫右柱國封公祿三千石賜綺帛若干
匹地若干頃佃戶若干戶守墳人若干戶儀仗戶若
干家第京師封九年以征西將軍討土蕃部成功道

卒年四十一追封寧河王予諡十年鎮嗣改封申十
八年征進江西有功卒亡後鎮弟銘以功授指揮僉
事從愈征蠻亡於軍子源以散騎隨征沙漠還病故
子挺挺子炳弘治五年世炳南錦衣衛指揮使老正
德八年繼坤嗣嘉靖十年續封爲定遠侯三十六年
祖錫嗣隆慶六年祖錫孫世棟嗣有傳

信國公湯和鳳陽人以滁陽王牌頭爲招討授統兵
元帥累軍功洪武三年授開國輔運推誠宣力武臣
榮祿大夫柱國封中山侯祿千五百石賜誥命鐵券
十一年加特進光祿大夫左都督左柱國爵公祿三

千石賜鐵券與誓謀逆不宥犯死身免二子免一綺
帛若干匹地若干頃佃戶若干戶守墳人若干戶儀
仗戶若干家第京師封二十六年卒年七十追封東
甌王子諡子鼎自致功累都督府僉事征雲南道卒
贈信世子鼎子晟蚤卒晟子文瑜胎癱不能公弘治
五年世和六世孫紹宗南錦衣衛指揮使嘉靖十年
續封靈璧侯十四年佑賢嗣三十九年世隆嗣萬曆
中之誥嗣有傳

延安侯唐勝宗鳳陽人年十八從起兵從下常宣婺
池高郵安慶九江南昌敗友諒禁江口平潭醴辰荆

諸郡拔延安有功洪武三年授開國輔運推誠宣力
武臣榮祿大夫柱國侯祿千五百石賜誥券與誓身
免二死予一死侯二十四年生亂宮誅除

吉安侯陸仲亨鳳陽人從下南昌合肥安豐敗友諒
彭蠡自將取英德清遠靖江廣州洪武三年授開國
輔運推誠宣力武臣榮祿大夫柱國同知大都督府
事侯祿千五百石世襲誥券與誓身免二死予一死
侯二十四年生家奴發反謀誅除

江夏侯周德興鳳陽人從渡江取金華安慶高郵安
豐合肥贛安福永新自提兵援安吉西安洪武三年

授開國輔運推誠宣力武臣榮祿大夫柱國侯祿千
五百石賜誥券與誓身免二死子一死侯二十三年
坐帷薄不修論死除

淮安侯華雲龍安豐人起小校從克采石攻下金陵
擒元將李將軍分取廣德禦龍江戰彭蠡從伐江陵
還取淮東從大將軍開中原洪武三年授開國輔運
推誠宣力武臣榮祿大夫柱國侯鎮守北平祿千五
百石世襲賜誥券與誓身免二死子一死侯居北平
處元丞相脫脫大第僭用元宮龍榻鳳褥役民造新
第侈過制上命遷故元官江南侯姑息弗如詔有故

元官構黨出檄欲煽以變見切責召歸益歌舞燕飲
自放卒國除葬侯禮弗公也小淮安侯忠亦論死
濟寧侯顧時鳳陽人與平章韓政四面急攻濠州與
上誠兵水戰昇山自率壯士躍入舟降士誠五太子
與大將軍開中原洪武三年授開國輔運推誠宣力
武臣榮祿大夫柱國同知大都督府事祿千五百石
賜誥券與誓身免二死子免一死五年以左副將軍
與征虜前將軍李文忠分兵出沙漠迷失道糧盡士
衆不能戰獨引麾下數百人衝擊胡兵掠重振士侯
十年卒贈滕國公予諡十五年敬嗣敬以左副將軍

定龍泉寇屢從征有功後竟除

長興侯耿炳文鳳陽人以長興孤城當吳洪武三年授開國輔運推誠宣力武臣榮祿大夫柱國秦王府左相兼陝西行省右丞侯祿千五百石賜誥券與誓身免二死子一死侯三十二年卒子璿駙馬都尉職都督僉事瑄尚寶卿洪熙初皆論死除

臨江侯陳德鳳陽人從渡江與諸將攻取采石姑孰建業京口溧常宣寧征浙東西戰鄱陽克武昌靖中原洪武三年授開國輔運推誠宣力武臣榮祿大夫柱國同知大都督府事侯祿千五百石賜誥券與誓

身免二死子一死征蜀漢甘肅出鎮北平侯九年卒
贈杞國公予諡十三年胡黨覺以前死免其明年鑄
嗣以征南將軍屢平賊十九年從宋國公出塞與大
將軍異道遇虜死竟除

鞏昌侯郭子興一名興鳳陽人從滁陽麾下轉隸高
帝備宿衛往往累創戰洪武三年授開國輔運推誠
宣力武臣榮祿大夫柱國侯祿千五言石賜誥券與
誓身免二死子一死侯十四年卒贈陝國公予諡竟
除

六安侯王志鳳陽人從渡江克定太平溧陽建業高

口毘陵宣城江陰安慶江州南昌湖廣廬安豐從宋
國公渡河取懷慶澤潞深入察罕腦兒絕塞却胡洪
武三年授開國輔運推誠宣力武臣榮祿大夫柱國
同知大都督府事侯食九百石賜誥券與誓身免二
死子一死侯十七年卒贈許國公予諡二十二年威
嗣二十三年坐林來保事謫安南衛指揮亡子志次
子域嗣改清平衛世官胡黨覺志以死前免竟除
榮陽侯鄭遇春鳳陽人從渡江克定太平燕湖建業
毘陵宣城江陰泰高郵安慶江州南昌湖廣廬安豐
從大將軍開中原下汴洛朔洪武三年授開國輔運

推誠宣力武臣榮祿大夫柱國同知大都督府事侯
祿九百石賜誥券與誓身免二死子一死坐累失侯
十三年復爵侯二十三年卒竟除

平涼侯費聚鳳陽人從略定遠取驢牌寨民兵得壯
士三千人招降秦把頭豁鼻山得壯士八百人從取
滁濠句溧建業京口廣德長興從大將軍下吳興姑
蘇從御史大夫和征四明繇海道南取三山延平還
討昌國餘寇於蘭秀二山會大將軍取厔潞平陽太
原西安鳳翔洪武三年授開國輔運推誠宣力武臣
榮祿大夫柱國侯祿千五百石賜誥券與誓身免二

死子一死從潁國公征雲南有功承命辦軍民居於
蘇州民奏侯傷民見罪責坐胡黨竟除子超與方國
珍戰死

江陰侯吳良定遠人娶遮江陰爲東鄣洪武三年授
開國輔運推誠宣力武臣榮祿大夫柱國同知大都
督府事侯祿千五百石賜誥券與誓身免二死子一
死侯十三年卒贈江國公子諡十七年高嗣永樂十
二年被劾編民江陰奪券洪熙元年謫戍海南爵除
良有傳

靖海侯吳禎定遠人從起滁和渡江下采石太平漂

水深陽拓定建業京口毘陵宣城池州與兄良鄣江陰水擒朱定從攻湖州姑蘇四明三山剽平蘭秀涉海還洪武三年授開國輔運推誠宣力武臣榮祿大夫吳相府左相侯祿千五百石賜誥券與誓身免二死予一死五年黜爲定遼衛指揮侯十年卒追封海國公予諡忠嗣侯竟除有傳

南雄侯趙庸廬州人以兄仲中棄守安慶賜死踵兄任僉院從大將軍破安慶九江南昌以六舟搏戰漢下淮東浙右開中原從鄂國公自陝取成都從曹國公克應昌獲元君孫坐私奴婢僅侯祿千五百石賜

詔券與誓身免二死子一死十五年討廣東羣盜獲
黨屬二萬餘斬首十餘招降萬餘戶侯二十四年坐
監黨誅除

德慶侯廖永忠巢人以巢湖軍納身取安慶九江以
六艘戰漢巨舟鄱陽湖中以征南將軍平定閩廣洪
武三年授開國輔運推誠宣力榮祿大夫柱國侯祿
千五百石賜諡券身免二死子一死侯六年卒十三
年權嗣卒竟除有傳

南安侯俞通源巢人以平章鎮守江淮屬大將軍征
中原洪武三年授開國輔運推誠宣力武臣榮祿大

夫柱國侯祿千五百石賜誥券與誓身免二死子一死侯二十年卒逾年坐黨以死前犯己子祖蔭不能侯除有傳

廣德侯華高含山人以巢湖軍納身以數騎挑戰力攻下廣德與俞通海擊柵江營與張德勝大敗漢石灰山從克安慶九江南昌淮泰高郵湖蘇洪武三年授開國輔運推誠宣力武臣榮祿大夫柱國侯祿六百石賜誥券使巡海南卒崖不及券不予券納其墓中

營陽侯楊璟合肥人從起太平摧城當先從征江漢

亮全永靖江洪武三年授開國輔運推誠宣力武臣
榮祿大夫柱國侯祿一千五百石賜誥券與誓身免
二死子一死侯十三年卒贈芮國公予諡十七年通
嗣竟論黨除有傳

永嘉侯朱亮祖六安人本元義兵元帥禽於寧國釋
而官之亮祖復反爲元前後死我衆七千餘創常將
軍高帝自往擒之既縛詰之不屈鞭而釋之用戍浙
東取溫台繇海道從征廣東西至海南洪武三年授
開國輔運推誠宣力武臣榮祿大夫柱國侯祿一千
五百石賜誥券與誓身免二死子一死以征虜右副

將軍伐蜀至重慶蜀已下以校死軍較不與賞使
鎮慶家多不法事徵還凡十一年坐胡黨死除子暹
指揮使先亮祖卒有戰功

潁國公傅友德碭人以漢友諒將投降九江戰收鄱
陽鄂濟江右淮東彭城齊魯冀關陝洪武三年授開
國輔運推誠宣力武臣榮祿大夫柱國同知大都督
府事侯祿千五百石賜誥券與誓身免二死子一死
以征虜前將軍克巴蜀以征虜副將軍出沙漠以征
南將軍平雲南十七年論功進封潁國公祿三千石
世襲侯二十五年論死除子忠尚壽春公主爲駙馬

都尉有傳

臨川侯胡美沔人故漢行省丞相投降武昌高帝仍其官親拜其母表坊造第美從大將征取江夏壽春淮東浙西邵武建寧洪武三年授開國輔運推誠宣力武臣榮祿大夫柱國封豫章侯祿千五百石賜誥券與誓身免二死子一死十三年改封臨川侯坐長女爲宮妃賺入宮者再賜自盡殺其家除

東平侯韓政雕人以元義兵長來歸授江淮行省平章攻下張士誠將李濟於濠汴城攻安豐獲忻都敗竹貞平淮東西山東出師河北削平堅寨洪武三年

授開國輔運推誠宣力武臣榮祿大夫柱國侯祿千
五百石賜誥券與誓身免二死子一死侯九年卒贈
鄆國公子英散騎舍人竟除

宜春侯黃彬缺邑里故陳友諒將投降江州取新淦
復南昌數定江右反側子從討贛鎮袁洪武三年授
開國輔運推誠宣力武臣榮祿大夫柱國侯祿九百
石賜誥券與誓身免二死子一死侯二十一年坐胡
黨死除

宣寧侯曹良臣安豐人自持兵不歸劉福通而之高
帝以江淮行省參政從征廬鄱陽武昌淮東湖蘇山

東汴河南廣平會師臨清取德長蘆直沽河西通保定河間澤潞還守通以千人迫奔元也速萬騎從擊定西洪武三年授開國輔運推誠宣力武臣榮祿大夫柱國侯祿九百石賜誥券與誓身免二死子一死五年從李將軍取和林深入阿魯渾河戰歿贈光祿大夫追封安國公予諡子太嗣侯竟除

汝南侯梅思祖夏邑人故元義旅反元擴廓帖木兒醢其父及弟數人從張九四反九四歸大將軍淮安九四凌遲其弟數人從取浙西湖蘇山東西河南北入秦汧取興元洪武三年授開國輔運推誠宣力武

臣榮祿大夫柱國侯祿九百石賜誥券與誓身免二
死子一死十五年平雲南以爲其地布政使其年卒
以死前坐胡黨誅其家產其從子殷爲駙馬都尉
河南侯陸聚故元樞密同知以徐宿來歸仍守徐使
傅友德破元擴廓帖木兒驍將貳從開中原洪武三
年授開國輔運推誠宣力武臣榮祿大夫柱國侯祿
九百石賜誥券與誓身免二死子一死侯二十一年
坐胡黨死除

右以開國功封

斬春侯康鐸斬人艾茂才以元宣慰元帥降授秦淮

翼水軍元帥守龍灣取馬駙河却僞吳兵從廖永安
攻池樅陽遷營田使屯田大收以帳前副指揮從破
斬黃鄱湖武昌湖廣敗吳巫子門取蘇湖從開中原
征漢中洪武三年卒贈推忠翊運宣力懷遠功臣光
祿大夫湖廣等處行中書省平章追封蕪國公予諡
鐸以父功侯祿千五百石征雲南卒於軍追封蕪國
公諡忠愍子淵幼優給充散騎舍人已革服勒居山
西卒除弘治十八年錄五世孫禮正千戶予世

右以父開國功封

忠勤伯汪廣洋高郵人謁太平剽繁劇馳驅多難屢

獻忠謀起令史至陝西參政召入爲中書省右丞相
右丞楊憲嗾御史炳劾廣洋不孝斥還鄉憲再劾重
廣洋罪丞相善長奏誅憲召還洪武三年封開國翊
運守正文臣資善大夫護軍中書右丞忠勤伯祿三
百六十石坐悞猾以中書右丞相黜爲廣東行省參
政上問廣洋胡惟庸毒死劉基狀支吾對以黨謫海
南賜死太平舟中除廣洋善繁隸大書詩歌

誠意伯劉基青田人以客應聘察乾象畫計定天下
洪武三年授開國翊運守正文臣資善大夫護軍誠
意伯祿二百四十石不世二十三年子世基孫鴈嗣

卒法拒曇凡三世不世景泰三年錄七世孫祿世五
經博士弘治十五年錄九世孫瑜處州指揮使嘉靖
十一年進瑜誠意伯祿七百石再與誥券身免二死
子一死二十八年瑜孫世延嗣有傳

永城侯薛顯蕭人從趙均用守泗降與漢突戰新城
門以游軍取吳舟四十大火吳舟敗其五太子昇山
從征陳理擒其將潑張攻下湖蘇取山東河南與傅
將軍戰破擴廓帖木兒太原邀擊賀宗哲石州擊敗
擴廓帖木兒寧夏絕塞窮追洪武三年坐妄殺胥吏
獸醫火者馬軍千戶富封顯侯不券謫海南明年召

還乃授開國輔運推誠宣力武臣榮祿大夫柱國侯祿千五百石與世券與馮將軍北征還次山海關卒贈水國公子諡無子收券後坐黨以死不論

東勝侯汪興祖巢人以張德勝義子襲職擊陳友諒張士誠從大將軍開中原洪武三年授開國輔運推誠宣力武臣榮祿大夫柱國侯祿千五百石以過未券四年征蜀死於軍給券與幼子竟除

西平侯沐英定遠人洪武十年以伐蕃部川藏功封開國輔運推誠宣力武臣階榮祿大夫柱國祿二千五百石與鐵券侯十六年卒追封黔寧王予諡二十

五年春嗣無子三十一年英次子晟嗣永樂六年以平交趾功封黔國公見永樂侯籍中英三子昂以都督守雲南贈定邊伯予諡有傳

右以開國功封

安慶侯仇成舍山人從渡江遇敵先登彭蠡功最洪武十二年授開國輔運推誠宣力武臣榮祿大夫柱國侯祿二千石賜券與誓免二死世襲指揮十四年以征南副將軍討平四川水盡源通塔平散毛諸洞蠻從潁川侯征雲南爲多十七年益祿五百石世侯侯十九年卒追封皖國公子諡二十三年子奉嗣竟

除

永昌侯藍玉定遠人累功官都督洪武十二年以征西番功侯祿二千石與世券從潁川侯征雲南從宋國公勝征納哈出代勝爲征虜大將軍以十五萬人深入征虜捕魚海殺虜太子天保奴鹵虜少子地保奴及其妃主大臣百餘人降獲官酋男婦八萬人二十二年進封涼國公六年坐謀反誅連萬五千人族有傳

永平侯謝成鳳陽人累功都督僉事以征西副將軍從西平侯討平西蕃洮州戎洪武十二年封開國輔

運推誠宣力武臣榮祿大夫侯祿二千石世指揮使
賜券與誓免二死侯十六年坐累卒除

鳳翔侯張龍鳳陽人累功都督僉事從西平侯討平
西蕃洮州戎洪武十二年封開國輔運推誠宣力武
臣榮祿大夫柱國侯祿二千石世指揮使賜券與誓
免二死十四年以副將軍從潁川侯征雲南爲多益
祿五百石侯十二年卒子麟尚福清公主竟除

安陸侯吳復合肥人以義兵自歸累功都督僉事從
西平侯討平西蕃洮州戎洪武十二年封開國輔運
推誠宣力武臣榮祿大夫柱國侯祿二千石世指揮

使賜券與誓免二死再征曾定及廣西泗城州蠻殺
獲甚衆侯五年卒追封黔國公予諡復賜券誥世侯
益祿五百石竟除弘治十八年錄五世孫江副千戶
予世

宣德侯金朝興巢人從渡江討閩浙累功都督僉事
世指揮屬西平侯討平西蕃洮河戎洪武十二年授
開國輔運推誠宣力武臣榮祿大夫柱國侯祿二千
石世指揮使賜券與誓免二死侯四年以屬潁川侯
征雲南卒于會川追封沂國公予諡十七年使子鎮
世侯給券誓免死益祿五百石竟坐黨在死前除

懷遠侯曹興缺邑里累功都督僉事屬西平侯討平西蕃洮州戎洪武十二年授開國輔運推誠宣力武臣榮祿大夫祿二千石世指揮使賜券與誓免二死卒竟除

靖寧侯葉昇合肥人從渡江累功都督僉事屬西平侯討平西蕃洮州戎洪武十二年封開國輔運推誠宣力武臣榮祿大夫柱國侯祿二千石世指揮使賜券與誓免二死侯十五年坐藍黨誅除

景川侯曹震鳳陽人起開國屬西平侯討平西蕃洮州戎洪武十二年授開國輔運推誠宣力武臣榮祿

大夫柱國侯祿二千石世指揮使賜券與誓免二死
坐藍黨除

會寧侯張溫從取太平累功都督僉事屬西平侯討
平西蕃洮州戎洪武十二年授開國輔運推誠宣力
武臣榮祿大夫柱國侯祿二千石世指揮使賜券與
誓免二死侯十五年坐藍黨誅除

雄武侯周武開州人從取江南累功都督僉事屬西
平侯討平西蕃洮州戎洪武十二年授開國輔運推
誠宣力武臣榮祿大夫柱國侯祿二千石世指揮使
賜券與誓免二死卒竟除

定遠侯王弼定遠人鳩義兵附人名其能曰雙刀王
累功都督僉事世指揮以副將軍從西平侯討平西
蕃洮州戎洪武十二年授開國輔運推誠宣力武臣
榮祿大夫柱國侯祿二千石世指揮使賜券與誓身
免二死從潁川侯討平雲南十七年使世益祿五百
石十一年卒竟除

右以征西功封

崇山侯李新鳳陽人從起滁累功都督僉事爲天子
治方中洪武十四年授開國輔運推誠宣力武臣封
侯祿一千五百石不世

右以營建功封

曾定侯陳桓定遠人從起兵累功都督僉事世指揮
屬潁川侯征雲南洪武十七年授開國輔運推誠宣
力武臣榮祿大夫柱國侯祿二千五百石賜券與誓
身免二死子免一死侯十年坐藍黨誅除

東川侯胡海定遠人以軍百戶從起兵累功右軍都
督僉事屬潁川侯征雲南洪武十七年授開國輔運
推誠宣力武臣榮祿大夫柱國侯祿二千五百石賜
券與誓身免二死子免一死侯七年卒子斌以指揮
使戰沒雲南贈都督同知孫炳忠襲指揮僉事曾孫

靖玄孫鑑襲竟除

武定侯郭英鳳陽人從起滁泗渡江從戰禁江武昌
從大將軍開中原鎮北平以前軍都督僉事屬潁川
侯征雲南洪武十七年授開國輔運推誠宣力武臣
榮祿大夫柱國侯祿二千五百石賜券與誓身免二
死子免一死侯二十年卒追封營國公子諡子鎮尚
永嘉大長公主先卒鎮子珍風痺不能侯珍弟玠借
侯一輩天順元年珍子昌嗣弘治中良嗣正德三年
勛嗣嘉靖十八年護駕巡承天進封翊國公坐繫苑
獄中二十九年守乾嗣四十九年大誠嗣

應

麒麟

鶴慶侯張翼臨淮人從起兵累功前軍都督僉事屬
潁川侯征雲南洪武十七年授開國輔運推誠宣力
武臣榮祿大夫柱國侯祿二千五百石賜券與誓身
免二死子免一死侯十年坐藍黨誅除

右以征南功封

航海侯張赫鳳陽人以千戶從起兵有功累後軍都
督僉事轉漕遼左六歲洪武二十年授開國輔運推
誠宣力武臣柱國侯祿二千石世侯三年卒追封恩
國公子諡子榮自致功指揮使孫鑑永樂初以都指

揮從成國公征廣西畱鎮交趾竟除

舳艫侯朱壽缺邑里以萬戶從渡江積功累右軍都督僉事洪武二十年授開國輔運推誠宣力武臣柱國侯祿二千石世坐黨死除

右以海運功封

西涼侯濮瑋廬人父英從宋國公受降納哈出殿其軍遇伏被虜自剖腹死一日征高麗兵敗被虜剖腹死洪武二十年贈金山侯予諡進贈樂浪公瑋生數月侯二千五百石入朝被賜賜鐫玉懸冠二十六年坐追論父黨戍五開竟除

右以父功封

東莞伯何眞東莞人保廣州以降洪武二十年以湖廣左布政致仕封東莞伯祿千五百石世子榮嗣竟坐黨死除有傳

海西侯納哈出元木華黎裔孫降於宋國公洪武其十年侯祿二千石隨征雲南卒于察罕改封瀋陽坐黨死除

右以歸附封

金寧侯孫恪鳳陽人父興祖從渡江屢先登挫陳友諒張士誠軍從大將軍開中原以都督同知守燕無

害洪武三年屬大將軍北伐與胡戰死五郎口贈燕山侯予諡恪以父功嗣指揮以右參將屬永昌侯征胡至捕魚兒海拚身野戰二十二年侯祿二千石竟除

右以征胡功封

梁國公胡顯臨淮人父泉從起兵累都督同知顯襲父職以王親從楚昭王征銅鼓五開以都督僉事從靖寧侯征東川龍海諸蠻洪武二十二年授特進大夫柱國封梁國公建文三年坐交通楚王革爵父子竝安置臨襄山水樂元年遇赦授皇陵衛指揮僉事

改同知竟除

永定侯張銓定遠人從渡江累功都督僉事從江夏侯征五溪諸蠻從潁川侯征烏撒諸蠻洪武二十三年授開國輔運推誠宣力武臣榮祿大夫柱國侯祿二千石賜諡劬子孫世指揮竟除

右以征蠻功封

徽先伯桑敬無爲人父世傑與張士誠將戰死贈永義侯敬用父故授都督僉事洪武二十三年以功授推忠協謀武臣龍虎將軍上護軍伯祿五百石竟除右以父功封

越駕侯俞通淵以參侍舍人累功屬西平侯征蠻洪武二十五年授開國輔運推誠宣力武臣榮祿大夫柱國侯祿二千五百石予誥世明年以罪削爵竟逾靖難師戰死白溝河除

右以征南功封

開國公常昇常遇春子見鄂國公侯籍下

右以續父封

歸德侯陳理漢友諒子以降侯洪武五年徙高麗

承恩侯陳普才以陳友諒父侯除

歸仁伯陳友富以陳友諒兄侯除

懷恩侯陳友直以陳友諒兄侯除

歸義侯明昇夏玉珍子以降侯洪武五年徙高麗

崇禮侯買的里八剌元順帝孫洪武三年以俘侯侯
五年遣歸

右以歸附封封國初侯伯名而已

右洪武年封公十二人侯五十五人伯六人世三
人續世五人除六十四人

歷城侯盛庸不詳其始建文中以參將與鐵鉉守濟
南數刼戰有功卽軍中拜侯充平燕將軍殺燕將張
玉譚淵成祖卽位勅守淮安竟誅

灤城侯李堅武涉人父英以開國功爲衛指揮力戰
死烏撒堅尚高帝大名公主以副將軍從長興侯與
燕將丘福戰不北侯已北白溝河傷刃械送北平道
卒予諡成祖卽位子莊以外生宥不敢受侯詩酒自
放

右建文年封侯二人除

洪國公丘福鳳陽人以小卒從靖難奪九門轉戰真
定夾河滄靈壁先登累中軍都督僉事洪武三十五
年授奉天靖難推誠宣力武臣特進榮祿大夫右柱
國中軍都督府左都督公祿二千五百石賜世券與

誓身免二死子免一死永樂七年以征虜大將軍出擊胡深入與師俱喪追削爵徙家嶺南除

成國公朱能定遠人以燕山中護衛副千戶從靖難奪九門克薊復遵化收密雲追獲灤河破雄定鄭擊真定援永平戰壩上取廣昌下蔚迎戰白溝大捷滄州夾河藁城收東平摧汶上自小河決策南師攻靈璧先登涉淮泗取盱眙遂入金川洪武三十五年以累功都督僉事授奉天靖難推誠宣力武臣特進榮祿大夫右柱國左軍都督府左都督公祿二千五百石世賜誥券與誓身免二死子免一死永樂四年以

征夷將軍討安南卒於軍追封東平武烈王其年勇
嗣正統十四年從北征戰歿追封平陰王予諡景泰
三年子儀嗣弘治九年子輔嗣嘉靖四年子麟嗣卒
亡子八年弟鳳嗣十五年子希忠嗣萬曆二年子時
泰嗣其年卒子應植嗣

成陽侯張武瀏陽人以燕山護衛百戶從戰真定破
淳沱設伏夾河邀戰西水洪武三十五年以都督僉
事授奉天靖難推誠宣力武臣特進榮祿大夫柱國
中軍都督同知侯五百石賜世券與誓身免二死子
免一死侯二年卒賻廩馬贈潞國公予諡亡子除

泰寧侯陳珪泰州人以馬軍總旗從開國累燕山中
護衛副千戶從奪九門征雄取鄭擊真定援永平戰
壩上破楊村鑒通州應援薊州追奔別山洪武三十
五年以後軍都督府僉事封奉天靖難推誠宣力武
臣特進榮祿大夫柱國後軍都督府右都督同知侯
祿千二百石賜世券身免二死子免一死侯十八年
卒追封靖國公予諡子璽自立功爲指揮使先卒次
子愉嗣以從北征失機死獄二十二年璽子鍾嗣宣
德五年灝嗣卒無子十年鍾次子瀛嗣正統十四年
陣亡無子弟涇嗣成化八年桓嗣弘治七年璇嗣正

德七年儒嗣卒亡子嘉靖十三年桓次子璉嗣卒亡
子二十四年弟璘嗣嘉靖四十年良弼嗣

武安侯鄭亨合肥人以父用開國功爲副千戶持榜
招胡陞指揮僉事從靖難定薊攻雄擊真定援永平
收大寧戰壩上下廣昌戰白溝克滄盛夾河捷藁城
拔營西水至汴決南師收功靈璧洪武三十五年以
中軍都督府僉事封奉天靖難推誠宣力武臣特進
榮祿大夫柱國中軍都督府左都督侯祿千五百石
予世券身免二死子免一死侯三十三年卒追封漳
國公予諡宣德十年子能嗣正統十一年宏嗣成化

十三年英嗣正德十三年綱嗣嘉靖二十八年崑嗣
保定侯孟善海豐人以開國功歷燕山護衛正千戶
從攻九門破松亭戰真定白溝濟南常山夾河藁城
收保定軍萬三千洪武三十五年以都督僉事封奉
天靖難推誠宣力武臣特進榮祿大夫柱國右軍都
督府同知侯祿千二百石與世券身免二死子免一
死侯十一年卒贈滕國公予諡子瑛嗣以其族兄指
揮賢爲趙王謀變連坐削爵充爲事官備禦宣府宣
德十年赦爲京衛世指揮卒子俊嗣官天順元年詔
嗣伯詔文不世卒子昂嗣竟以不世除

同安侯火真以虜人歸附爲燕山護衛千戶從取大寧克真定戰白溝馳馬突陣手斬獲敗長興侯洪武三十五年以都督府僉事封奉天靖難推誠宣力武臣特進榮祿大夫中軍都督府都督僉事侯祿千五百石予世券身免二死子免一死侯八年從大將軍征虜沒除

鎮遠侯顧成江都人從高帝渡江累右軍都督府右都督建文三年從長興侯戰真定被執遣從世子居守北平洪武三十五年封奉天靖難推誠宣力武臣特進榮祿大夫柱國後軍都督府右都督侯食祿千

五百石世身免二死子免一死侯十三年卒贈夏國
公予諡孫興祖嗣宣德中坐交趾事下獄正統十四
年從征失律降都督同知景泰初予伯英宗復辟復
侯鎮貴州有戰功加祿三百守南京卒天順八年孫
淳嗣卒亡子成化九年淳從弟溥嗣卒予諡弘治十
七年仕隆嗣卒予諡嘉靖七年褒嗣

靖安侯王忠孝感人以指揮款靖難師戰白溝濟南
滄藁城率精騎爲奇兵洪武三十五年以都督僉事
封奉天靖難推誠宣力武臣特進榮祿大夫柱國右
軍都督府都督同知侯賜參與誓身免二死子免一

死祿千石世侯八年從大將軍福征虜歿亡子除

武城侯王聰斬水人以燕山百戶從取漁陽遼化狗
涿戰南皮平滑口還守保定復南宮冀狗淮泗獲舟
渡江洪武三十五年以都指揮使封奉天靖難推誠
宣力武臣特進榮祿大夫柱國中軍都督府都督僉
事侯祿千五百石賜券與誓身免二死子免一死侯
八年從大將軍福征虜沒以嘗諫福輕師得追封漳
國公予諡亡子除英宗初授姪孫玘爲彭城衛指揮
僉事

永康侯徐忠合肥人以濟陽衛指揮僉事從克密雲

下雄攻真定復永平取大寧戰壩上克廣昌蔚戰白溝南軍斫兩指未殊自斷之裒盡戰席捲滄揚單橋拔無極撼彰德舉東阿大鑒靈壁冠軍洪武三十五年以都督僉事封奉天靖難推誠宣力武臣特進榮祿大夫柱國前軍都督府左都督侯祿千一百石賜券與誓身免二死子免一死侯十七年卒追封蔡國公予諡子安嗣成化十八年孫錡嗣正德八年源嗣嘉靖三十四年喬松嗣

隆平侯張信臨淮人父興從高帝渡江有功累指揮僉事信代父爲官累征貴州蠻有功陞北平都司都

指揮僉事露情燕王從戰大寧克雄攻真定克大寧
鄭村壩大戰破九門取蔚攻大同白溝濟南克滄征
夾河藁城追大軍於定攻破西水寨從淝河殺敗南
軍克泗殺南軍於淮遂克盱眙入金川洪武三十五
年以都督僉事封奉天靖難推誠宣力武臣特進榮
祿大夫侯祿千石世伯賜券與誓身免二死子免一
死成祖不名之時時呼思張永樂二十二年加少師
洪熙元年嘉念舊人進世侯兩俸侯四十一年卒追
封鄖國公予諡孫淳嗣十二年福嗣亡子天順二年
弟祐嗣亡子弘治十七年從弟祿嗣正德十二年瑞

嗣坐姦淫失侯嘉靖三十七年弟子桐嗣萬曆二年
炳嗣

安平侯李遠懷遠人父實用四國功累官蔚州衛指揮僉事遠嗣父爲官從靖難攻大同破滄狗東平汶上沛沙河渡淮斷南餉洪武三十五年以都督僉事封奉天靖難推誠宣力武臣特進榮祿大夫柱國中軍都督府都督同知侯祿千石世伯賜券與誓身免二死子免一死侯八年從大將軍福征虜沒追封莒國公子謚子安嗣洪熙元年爲父陞公將失律宣德二年奪侯立功英宗卽位起右軍都督口僉事守甘肅

累功都督同知從征麓川失律正統七年謫立功子清以父兩失律不得侯除

成安侯郭亮合肥人父聚以小軍從開國征進西屬北虜陞授百戶亮嗣累父爲官得世副千戶守永平從靖難戰敗都督璘都督文擊却遼東兵洪武三十五年以都督僉事封奉天靖難推誠宣力武臣特進榮祿大夫柱國左軍都督府都督同知侯祿千二百石世伯賜券與誓身免二死子免一死侯二十二年卒追封興國公子諡子晟嗣亡子天順三年弟昂嗣爲伯成化六年鑛嗣弘治六年寧嗣亡子嘉靖元年

弟子瓚嗣二十七年應乾嗣

思恩侯房寬陳州人以濟南左衛指揮從魏國公練兵北平爲北平行都司都指揮從靖難戰白溝濟沛江淮有功洪武三十五年以都督僉事封侯祿八百石世指揮使侯八年卒

興安伯徐祥大冶人以陳友諒萬戶歸附從軍授燕山左衛百戶從靖難奪九門攻居庸戰鄭真定援永平擊走遼東兵從下大寧捷壩上大戰白溝取滄威深夾河藁城西水小河靈璧洪武三十五年以都指揮使封奉天翊衛宣力武臣特進榮祿大夫柱國伯

祿千石世賜券與誓身免一死子免一死封三年卒
孫亨嗣以征虜功進侯天順四年賢嗣成化十六年
盛嗣亡子正德三年弟子良嗣嘉靖十三年勲嗣二
十年夢賜嗣

武康伯徐理西平人從開國軍歷永清衛指揮僉事
從靖難敗都督貞寬河戰白溝斬先鋒追奪至雄轉
戰濟南滄德夾河戰敗盛庸軍援水西捷小河克泗
揚入金川洪武三十五年以都督僉事封奉天翊衛
宣力武臣特進榮祿大夫柱國伯祿千石封七年卒
子禎嗣正統九年勇嗣亡子除

襄城伯李濟和州人父旺從渡江歷燕山左護衛副千戶濬襲父官從靖難執謝貴張昺收九門攻居庸克薊募兵密雲征雄鄭破真定取大寧壩上底於容城戰白溝略齊魯汴河底於靈璧平淮泗浮江入金川洪武三十五年以都指揮同知封奉天翊衛宣力武臣特進榮祿大夫柱國伯祿卅石世賜券與誓身免一死子免一死封四年卒子隆嗣永樂四年珍嗣未室從死於土木景泰元年異母弟瑾嗣成化中屢征四川貴州蠻有功進侯累加太保兼太子太傅卒弘治二年補仍嗣伯亡後十二年瑾異母弟子鄜嗣

正德四年全禮嗣嘉靖二十年應臣嗣

信安伯張輔祥符人從父玉奪九門取薊破遵化密雲底灤河永平大寧壩上廣昌蔚白溝東昌玉戰沒東昌軍輔從西南下率先小河賈勇鳳山大捷靈壁下泗涉淮以入金川洪武三十五年以都指揮同知封奉天翊衛宣力武臣特進榮祿大夫柱國伯祿千石世賜券與誓身免二死子免一死追封王奉天靖難推誠宣力武臣特進榮祿大夫右柱國榮國公諡永樂三年以父功進授奉天靖難推誠宣力武臣特進榮祿大夫柱國新城侯祿千五百石世仍免身

二死六年以征安南功加封奉天靖難推誠宣力武臣進榮祿大夫右柱國英國公祿三千石世身免二死子免一死二十一年加太師宣德四年陞授奉天靖難推誠宣力輔運武臣特進光祿大夫柱國正統三年以修宣宗實錄加授奉天靖難推誠宣力輔運佐理武臣加祿二百石正統十四年從駕沒土木追封定興王予諡孫懋嗣卒追封寧陽王予諡正德十年崙嗣嘉靖十四年崙嗣萬曆元年子元功嗣新昌伯唐雲不詳其始常在燕王左右年長諸將諸將皆下之以見親倚從王師爲燕世子禦敵無所失

利洪武三十五年以都指揮使封奉天翊衛宣力武
臣特進榮祿大夫柱國伯祿千石子孫世指揮使封
二年卒

應城伯孫巖鳳陽人從渡江累功千戶致仕從靖難
守通突門力戰追奔張家灣掠餉舟三百還守城敗
遼東兵洪武三十五年以都指揮僉事封奉天翊衛
宣力武臣特進榮祿大夫柱國伯祿千石賜諡劬與
誓身免一死予一死封十六年卒贈翼城侯予諡子
亨先立功薊永平鄭村壩大同白溝滄彰德靈璧入
金川門歷河南都指揮卒永樂二十二年英嗣亡子

二十二年弟傑嗣景泰三年繼先嗣坐犯受財枉法革爵閒住弘治十六年鉞嗣嘉靖十九年孫永爵嗣三十五年文棟嗣

年允恭嗣

富昌伯房勝不詳其始以通州指揮舉通歸燕洪武三十五年以都指揮僉事封奉天翊衛宣力武臣特進榮祿大夫柱國伯祿千石子孫世襲指揮使

忻城伯張彝虹人祖啓宗父祥從高帝爲百戶以戰死彝以父官從穎國公征胡歷永平衛指揮僉事以永平降燕有功洪武三十五年以都指揮使封奉天靖難翊衛宣力武臣特進榮祿大夫柱國侯祿千石

與誥券身免一死子免一死封二十五年卒子榮臨
隨駕征進有功卒成化四年溥嗣亡子弘治十八年
弟子權嗣正德十三年武嗣嘉靖三十七年祖胤嗣
亡子嘉靖四十二年弟祖征嗣

雲陽伯陳旭全椒人父彬以開國功爲指揮僉事旭
從靖難戰真定山東渡淮洪武三十五年以都督僉
事封奉天翊衛宣力武臣特進光祿大夫伯祿千石
與世券侯九年從征交趾卒於軍亡子除

廣恩伯劉才霍丘人以故元將歸高帝累官指揮僉
事從靖難有功洪武三十五年以都督僉事封奉天

翊衛推誠宣力武臣特進榮祿大夫柱國侯祿千石
子孫世襲指揮同知洪熙中許世指揮使

右以靖難功封